

Mayat remaja lemas ditemukan

oleh ROSILAWATI ROSEDI 01 Januari 2023 07:03pm Masa membaca: 1 minit



Anggota penyelamat membawa keluar mayat mangsa yang ditemui pada jam 3.55 petang pada Ahad. - Foto JBPM

BENTONG - Mayat seorang remaja lelaki yang [dikhuatiri lemas](#) ketika memancing di Jambatan Kemasul 1, dekat Sungai Pertang di Felda Kemasul di sini pada Sabtu ditemukan pada Ahad.

Mangsa, Muhammad Firdaus Yuseri, 16, ditemui jam 3.55 petang pada jarak 10 meter dari lokasi dia dipercayai terjatuh ke dalam sungai.

Pegawai Perhubungan Awam Jabatan Bomba dan Penyelamat Malaysia (JBPM) Pahang, Zulfadli Zakaria berkata, mayat mangsa ditemui di kedalaman kira-kira tiga meter oleh Pasukan Penyelamat Di Air (PPDA) ketika operasi mencari dan menyelamat (SAR).

Menurutnya, mayat mangsa diserahkan kepada pihak polis untuk tindakan selanjutnya.

Sinar Harian pada Ahad melaporkan mangsa keluar berseorangan ke sungai untuk memancing pada sebelah petang.

Mangsa disedari hilang selepas mendapati motosikal dan alatan memancing ada di lokasi.